



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FA-V12, FE-223	23/781

HANDSAMING AV SØKNAD OM BYGDEUTVIKLINGSMIDLAR TIL VEDLIKEHALD AV KORPSHUSET PÅ DALE

Vedlagte saksdokument:

Søknad Bygdeutviklingsutval - Korpshuset Dale Røde Kors

Kommunedirektøren sitt framlegg til vedtak:

Bygdeutviklingsutvalet løyver kr. 40 000,- i bygdeutviklingsmidlar til Dale Røde Kors Hjelpekorps til planlagt vedlikehald av Korpshuset på Dale.

Tilskotet vert løyvd som eit "fast" eingongsbeløp. Beløpet skal nyttast til tiltak som går fram av søknaden.

Tilskotet vert betalt ut etter innsending av sluttrapport, med betalingsoppmoding og kostnadsdokumentasjon.

Løyvinga gjeld i to år, fram til og med 01.10.2025.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 265 000,- kr. til fordeling ved søknadsrunden i september 2023. Det kom inn 11 søknadar, med ei samla søknadsbeløp på kring kr. 760 000,-.

I søknad av 10.05.23 søkjer Dale Røde Kors Hjelpekorps om tilskot til vedlikehald av Korpshuset på Dale (ikkje spesifisert søknadssum).

Kostnaden med vedlikehaldet er budsjettert til kr. 192 748,- inkl. mva. I dette inngår kjøp av garasjeportar, vindauge, ytterdør og listverk m.m.

Med bakgrunn i målsetjinga til bygdeutviklingsmidlane, hjelpekorpsset sin aktivitet og tilgjengelege midlar, går Kommunedirektøren inn for å løyve kr. 40 000,- til tiltaket, som eit fast eingongsbeløp. Dette utgjer 21 % av budsjettert kostnad.

Bakgrunn for saka

Bygdeutviklingsutvalet har lyst ut ny søknadsrunde for Bygdeutviklingsmidlane, med kr. 265 000,- til rådvelde. Det kom inn 11 søknadar, med ein samla søknadssum på om lag kr. 760 000,-.

Målet med tilskotsordninga er å skape trivnad i lokalsamfunnet, og å stimulere til aktivitet som er open og tilgjengeleg for alle. I dette høvet kan lag, organisasjonar, verksemder og einskildpersonar søkje om tilskot til prosjekt eller gjeremål med ålmennyttig verdi.

I søknaden av 10.05.23 søker Dale Røde Kors Hjelpekorps om bygdeutviklingsmidlar til vedlikehald av Korpshuset på Dale, med bakgrunn i følgjande kostnadsoverslag:

2 stk Garasjeporter	-	Kr 79750,- inkl. mva
Montering av garasjeportene		Kr 37500,- inkl. mva
7 stk nye Lyssands 3 lags vindauger		Kr 59310,- inkl. mva
1 stk Ny ytterdør		Kr 6188,- inkl. mva
Estimert for listverk og foringer ca.		Kr 10000,- Inkl. mva.
Dette gjer ein prosjektkostnad før dugnad på:		Kr 192 748,- inkl. mva

Det er ikkje søkt om eit spesifikt beløp. I dette høvet held Kommunedirektøren seg til budsjettert kostnad som utgangspunkt.

Søklar gjev ei skildring av aktivitetane og gjeremåla som dei ulike avdelingane i Dale Røde Kors gjer i lokalsamfunnet, frå beredskap og hjelpearbeid til etablering av sosiale møteplassar. Her står Korpshuset sentralt som aksjonsbase og samlingsstad.

Det går fram av søknaden at det er drive regelmessig vedlikehald på Korpshuset, i stor grad på dugnad. I samband med planlagt opprusting, vil det vere trong for eksterne tilskot.

Kommunedirektøren viser til søknaden for nærare informasjon om tiltaket.

Formelt grunnlag:

- «Retningsliner for tilskot til bygdeutvikling», vedtekne 26.05.20.
<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden vert vurdert som tilstrekkeleg opplyst for sakshandsaming og vedtak etter gjeldande krav.

I følgje bygdeutviklingsmidlane sin retningsliner, skal midlane brukast til ålmennyttige føremål og leggje til rett for aktivitet i bygdene, med varierte opplevingar og levande bygdeliv. I dette inngår mellom anna tilskot til materiell, utstyr og opprusting i samband med ulike prosjekt.

Kommunedirektøren vurderer at Dale Røde Kors sin aktivitet, fell inn under bygdeutviklingsmidlane sitt føremål. Laget har ei brei verksemd, og er synleg på Dale og elles i kommunen. Tilbodet rettar seg mot det «breie lag», både når det gjeld operativ verksemd og aktivitets- og opplevingstilbod. Laget sitt nærvær og friviljuge innsats byggjer soleis opp under dei føremåla som midlane skal fremje, etter Kommunedirektøren si vurdering.

Når det gjeld sjølve tiltaket det vert søkt om midlar til, utgjer som nemnd Korpshuset ein sentral berebjelke i Dale Røde Kors si verksemd. I dette høvet dannar eit operativt og funksjonelt hus grunnlag for høg aktivitet i regi av korpset.

Bygdeutviklingsutvalet har ved fleire høve handsama søknadar om tilskot til vedlikehald og opprusting av ulike typar bygg, med diskusjonar om det er rett å gje tilskot til slike tiltak. Utvalet har i dette høvet, i stor grad, valt å løyve midlar. Kommunedirektøren tek difor utgangspunkt i denne praksisen, og går inn for å løyve kr. 40 000,- til planlagt vedlikehald av Korpshuset.

Med bakgrunn i ein kostnad på kr. 192 748,-, som budsjettert i søknaden, vil kr. 40 000,- i tilskot utgjere 21 % av kostnaden. Tidlegare løyvingar til liknande tiltak, har som regel vore «faste» tilskotsbeløp, og ikkje knytt til ei prosentvis finansiering. Kommunedirektøren går difor inn for denne modellen i gjeldande høve, under føresetnad av kostnadsdokumentasjon ved utbetaling. På denne måten vert ikkje tilskotet knytt til at heile prosjektet må gjennomførast, men snarare gjennomføring i høve til tilgjengeleg kapital til kvar tid.

Bygdeutviklingsmidlane sine retningslinjer seier at det skal takast omsyn til geografisk fordeling ved bruk av midlane, og at bygder som ikkje har fått midlar tidlegare, skal prioriterast. I dette høvet har dei aller fleste bygdene i kommunen fått tildelingar, som regel fleire gonger, også Dale. Dette omsynet er teke omsyn til ved sakshandsaming.